



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU STRANKE ZA BOLJE GORAŽDE

Broj: 03-07-6-338/19
Sarajevo, 23.03.2020. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	5

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Stranke za bolje Goražde za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je Stranka za bolje Goražde prekršila odredbe člana 4. stav (1) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke za bolje Goražde za 2018. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka za bolje Goražde se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	2,00	0,03
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	6.125,12	99,97
8.	Prihodi od propagande (3-g)	0,00	0,00
I	Ukupni prihodi (1-8)	6.127,12	100,00
II	Ostali prihodi i drugo	0,00	0,00
	Izvori finansiranja (I+II)	6.127,12	100,00

U godišnjem finansijskom izvještaju stranka je iskazala rashode u ukupnom iznosu od 3.840,15 KM.

2. PREDSTAVLJANJE POLITIČKE STRANKE

Naziv političke stranke je Stranka za bolje Goražde. Skraćeni naziv je SBG.

Stranka za bolje Goražde registrovana je kod Općinskog suda u Goraždu, rješenjem broj: 045-0-F1-13-000001 od 23.12.2013. godine.

Sjedište političke stranke je u Goraždu, 43. Drinske brigade bb¹.

Lice ovlašteno za zastupanje stranke je Esed Radeljaš, predsjednik stranke.

Ovlašteno lice za finansijske izvještaje za 2018. godinu je Izudin Fejzić-WAND doo.

Prema podacima iz godišnjeg finansijskog izvještaja za 2018. godinu, Stranka za bolje Goražde nema niže organizacione dijelove.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke za bolje Goražde za 2018. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja

¹ Stranka za bolje Goražde je, dana 02.10.2019. godine, dostavila Centralnoj izbornoj komisiji Bosne i Hercegovine obavještenje u kojem je navela da je nova adresa za kontakt i slanje dokumentacije stranke: Džemala Bijedića br. 197B, Novi Grad Sarajevo.

navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Stranke za bolje Goražde obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja Stranke za bolje Goražde izvršeni su za 2014. i 2015. godinu, nakon kojih su izdati izvještaji o pregledu sa mišljenjem revizora, nalazima i preporukama revizije. Stranka za bolje Goražde nije Centralnoj izbornoj komisiji Bosne i Hercegovine podnijela finansijski izvještaj za 2016. godinu, niti je revizorima Službe za reviziju omogućila pristup svojim prostorijama radi obavljanja revizije finansijskog poslovanja, pa joj je u skladu sa odredbom iz člana 10. stav (8) Zakona o finansiranju političkih stranaka, Odlukom broj: 03-07-6-59/18 od 26.04.2018. godine uskraćeno pravo da se kandiduje na narednim izborima (Opštim izborima 2018. godine).

Nakon izvršenog pregleda godišnjeg finansijskog izvještaja za 2017. godinu, izdat je Izvještaj o pregledu sa mišljenjem revizora, nalazima i preporukama stranci: da uspostavi pravilne i tačne evidencije o prihodima, rashodima i obavezama, da poslovne knjige vodi u skladu sa računovodstvenim propisima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da imenuje fizičko lice, koje je ovlašteno i odgovorno za vođenje poslovnih knjiga političke stranke.

5. NALAZI I PREPORUKE

5.1 NALAZI

Stranka za bolje Goražde prekršila je odredbe člana 4. stav (1) Zakona o finansiranju političkih stranaka².

Na zahtjev Centralne izborne komisije Bosne i Hercegovine za dostavljanje dodatne dokumentacije za 2018. godinu, Stranka za bolje Goražde je dostavila Obavještenje u kojem je navela da nije u mogućnosti da dostavi Plan utroška sredstva za 2018. godinu jer nije bilo aktivnosti stranke u navedenom periodu.

Uvidom u podatke koje je stranka iskazala u godišnjem finansijskom izvještaj za 2018. godinu utvrđeno je da je stranka u 2018. godini ostvarila režijsko-administrativne i ostale troškove, odnosno ukupne rashode u iznosu od 3.840,15 KM.

Imajući u vidu da je Stranka za bolje Goražde finansijska sredstva koja su obezbijeđena iz budžeta, utrošila bez utvrđenog plana utroška sredstva, prekršila je odredbe člana 4. stav (1) Zakona o finansiranju političkih stranaka.

5.2 PREPORUKE

Preporučuje se Stranci za bolje Goražde da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da sačinjava godišnji program utroška sredstava i da finansijska sredstva obezbijeđena za finansiranje stranke koristi u skladu sa utvrđenim programom utroška sredstava.***

² U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

KOMENTAR:

U ostavljenom roku, Stranka za bolje Goražde nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2018. godinu.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić